

右被右大臣宣備件節御贊准廢三月三日節令進之諸國承知自今以後依件進之弘仁三年九月十六日

〔類聚國史七十四歲時〕弘仁四年九月戊午○九幸神泉苑令文人賦詩賜綿有差五年三月辛亥右大臣

從二位兼行皇太弟藤原朝臣園人奏去大同二年停正月二節迄于三年又廢三月節大概為省費

也今正月二節復于舊例九月節准三月去弘仁三年已來更加花宴准之延曆花宴獨餘比之大同四

節更起願彼祿賜庫貯罄乏伏望九日者不入節會之例須臨時擇定堪文藻者下知所司庶絕他人之

望省大藏之損○中許之九月壬午○九幸神泉苑令文人賦詩八年九月乙未○九幸神泉苑令

文人賦詩賜祿有差

〔類聚國史七十三歲時〕天長元年三月乙亥公卿覆奏言○中夫九月九日者所謂重陽也○中伏望乘此良

節以臨射宮臣等請奉詔付外施行

〔類聚國史七十四歲時〕淳和天皇天長三年九月癸酉○九賜宴於內裏文人已上賜祿有差八年九月甲

辰○九皇帝○淳和御紫宸殿召文人令賦詩為重陽節賜祿有差

〔續日本後紀三仁明〕承和元年九月丙辰○九是重陽節也天皇御紫宸殿宴侍從已上自外非侍從及諸

司綠衫官人堪應詔者并文章生等侍焉同賦秋風歌之題宴訖賜祿

〔續日本後紀四仁明〕承和二年九月辛亥○九天皇御紫宸殿賜菊酣宴於侍從已上但召非侍從及諸司

綠衫官人堪應詔者并文章生等如常同賦秋風搖落効梁元帝體之題宴訖賜祿

〔文德實錄四〕仁壽二年九月壬寅○九重陽節也帝不御南殿勅公卿喚侍從文人等賞宴賜祿如常

〔文德實錄五〕仁壽三年九月丙申○九重陽宴也帝不御南殿勅公卿召侍從文人等賜菊酒一如常儀

但以天下有災不舉音樂

〔文德實錄九〕天安元年九月癸卯○九重陽節也天皇不御南殿命公卿賦詩賜祿如常儀雖開宴筵不

舉音樂緣旱雲不霑秋稼為害也